

## Union

Pa esei, tur loke boso kièr pa hende hasi pa boso, hasi meskos pa nan, pasobra esaki ta e **Nifikashon** di **e Lei i e Profetanan** (**Mateo 7:12**). Henter e **Nifikashon** i e **Esensia** di **e Lei i e Profetanan** ta basa riba **Union**.

Ta pa e motibu aki **Yeshua** a bisa; "**No pensa, no imaginá, no konsiderá, no suponé, no kere, no konfia, no komprendé, no disidí** ku **Ami** a bini pa **kambia, anulá, desmentí, kibra, tumba, abolí òf kita** outoridat di **e Lei i e Profetanan**, **Mi** no a bin pa **anulá, abolí òf kita** outoridat, sino pa **Kumpli, Kompletá** i **Klarifiká e Lei i e Profetanan**" (**Mateo 5:17**).

**Union** ta tur loke ta skirbi den **e Lei i e Profetanan**. E **Hebreonan** a traha nan mes **Lei-nan**, pone aserka **e Lei** (**Mateo 12:2-14** & **15:3-9** & **Mateo 22:15-22** & **22:23-33** & **23:23**, **Marko 7:1-12**, **Lukas 6:9**). E **Bèrdat** ta ku ta e **Lei-nan** di e **Hebreonan** aki **Kristu Hesus** a **anulá, abolí i kita** outoridat for di dje (**Efesionan 2:15**), pa asina hasi nos bira **ún Union** meskos ku **Dios Tata, Kristu Hesus** i **Spiritu Santu** ta **ún Union** (**Efesionan 4:13**).

Ora nos bai analisá e nòmber di **Leví**, (**Génesis 29:34**) ku ta nifiká **mará na mi, Unifiká**, ser **ún Unidat, Union** den **Hebreo**, nos por mira **Kristu Hesus** den **e Lei i e Profetanan** (**Juan 1:45**). **Yeshua** ta nos **Gran Saserdote Levitiko**. E tarea di e **Levitanan** tabata pa hasi **ún Union** di e **Tabernakel** i **mará** e sobra 12 tribunan na **Dios Tata**. Asina aki e 13 tribunan a forma un **Krus** den e desierto di Sinaí pa **Unifiká** nan mes ku **Dios Tata**, meskos e **Krus** ku **Yeshua** a muri na dje ta pa trese **ún Union** entre e hende i **Dios Tata, Kristu Hesus** ta nos **Tabernakel, Kristu Hesus** ta nos **Union**.

**Ta hende tèrko so no kièr Union.**

Ta hende tèrko so no kièr **Rekonosé** e **Mahestat** di **Dios Tata** (**2 Krónika 7:14**).

Ta hende tèrko so no kièr **Kambia** nan **Mente** (**Romanonan 12:2**).

Ta hende tèrko so no kièr **Siña** pa haña **Sanashon** (**Hosea 4:6**).

Ta hende tèrko so no kièr **Tende** e **Bèrdat** (**Mateo 5:17**).

Ta hende tèrko so no kièr **Aseptá Kristu Hesus Su Abundansia** (**Juan 10:10**).

Ta hende tèrko so no kièr **Pordoná** nan ruman (**Génesis 50:17**).

Ta hende tèrko so no kièr **Amor** i **Grasia** di **Dios Tata** (**1 Juan 4:8**).

8 desèmber 2017

Sea Bendishoná den e Amor di Yeshua Mesias

Rev. Remsly L Riley